

Abokatutza eta bazkuneak ezbaian

Letraduek beren jardunaz eztabaidatu eta aldaketak proposatu dituzte Bilbon

Abokatuen egungo jardueraren eta letradu bazkuneen eskuduntzak zalan-tzan jarri dituzte Europako sei estatutako abokatuak, Eskubideak elkarteak Bilbon antolatutako topaketetan. Bi eguneko eztabaidaren ostean, beren lanbidean aldaketak egitea proposatu dute.

Gorane Agirre / Bilbo


ESKUBIDEAK elkarteak antolatu eta Europako Abokatu Demokratik (EAD) erakundeak babestuta, Abokatuak herritarrentzat lelopeko nazioarteko topaketek Europako sei estatutako 125 bat letradu bildu dira Bilbon azken bi egunotan.

Gizartean izan diren aldaketen ondorioz «gaur egun bizitzaren alor ugari bide legalatik arautzen direla eta», abokatu jardueraren arte bezala egiten ezin segitu dutela eta beren jokabidea errealitate berri horretara egokitu behar dutela adierazi zuen Agurtzane Goirienak, Eskubideak elkartearen arduradunak.

«Orain arteko gure jardueraren aldatu behar dugula argi dago. Izan ere, abokatuak berarekin darabiztatu eragozpide askok herritarren interesetarako lagungarri den zerbitzu bat eskaintzea eragozten dute», esan zuen abokatu bizkaitar horrek.

Bi egun hauetan nazioarteko abokatuaren arteko eztabaidak ezbaian jarri du gaur egun Espainian dagoen abokatuaren prestaketa sistema. Goirienaren arabera, «letraduen prestakuntza benetan tamalgarrria da eta lehenbailehen aldatu beharra dago».

«Hemen Zuzenbide Fakultatean bost urte ikasten egin ondoren eta batere praktikarik egin gabe, zeure kabuz moldatu behar zara lanbidean sartzeko. Europako beste herrialde batzuetan, oster, lizentziaturaren ostean derrigorrez praktikak egin behar dira profesioan sartzen eta trebatzen



Azken bi egunotan egindako nazioarteko topaketetako saio bat.

XOUSE SIMAL

laguntzen dizutenak. Gainera, praktikak egiteagatik soldata bat jasotzen duzu».

Letraduen prestaketa sistema aldatu beharraz gain, abokatuaren sindikatuak eratu behar direla ondorioztatu dute Bilbon bildutako abokatuak, «beste herrialde batzuetan dauden antzekoak». Sindikatu horiek bi zeregin nagusi beteko litzukete: batetik, abokatuak defenditzea eta, bestetik, letraduen arteko gehiegizko korporatibismoak eragin ditzakeen gehiegikeriei aurre egiten laguntzea.

«Abokatuaren Bazkunea frankismo sasoiko herentzia bat da. Hemen debekatua dago abokatuak euren sindikatuak eratzea, baina, gure ustez, aukera horri bide eman behar zaio. Halaber, abokatuaren arteko gehiegizko korporatibismoa eta bazkunearen defizit demokratikoa direla eta, herritarrek ezin du ezer egin behar bezalako zerbitzua eskaini ez dion abokatu baten kontra. Pertsonak garen heinean, guk ere huts egin dezakegu eta, ondorioz, guri ere

erantzukizunak eskatu behar dizkigute», adierazi zuen Goirienak.

Sindikatu horien bidez, esate baterako, gaur egun zenbait abokatu ofizioko txandan defendatu behar dituzten bezeroen kasuetan agertzen duten interes falta konponduko litzatekeela uste

du abokatu mungiarrek. «Zenbait salaketak aurkeztu dituzte bazkunean beren abokatuak behar legez defendatu ez dituztela uste dutelako. Bain, salaketak ez dute aurrera egiten, letraduen arteko gehiegizko korporatibismoa dela medio. Hori aldatu egin behar da». X

Gerra Zibileko obus bat indargabetu dute Bilbon

■ Ertzilla kaleko soto bat garbitzen ari zen pertsona batek aurkitu zuen

Agentziak/Bilbo

ERTZAINZAKO agenteek Espainiako Gerra Zibilaren garaiko obus baten jaurtigaia ateratu zuten atzo Bilboko soto batetik. Jaurtigaia Ertzilla kaleko 8 zenbakiko sotoa garbitzen ari zen pertsona batek aurkitu zuen goizeko 08:30ak aldera. Ertzaintzari jakinarazi zion, eta berehala ezarri zuen kontrola gune osoan; gainera, hiru etxebizitza bloketako bizilagun guztiak aterarazi zituen etxetik. Etxebizitza bloke horiek Ertzilla, Heros eta Henao kaleen artean daude, atzo inauguratu zuten Guggenheim museotik oso gertu.

Leherketak Indargabetzeko Unitate Bereziko kideek jaurtigaia indargabetzeari ekin zioten. Leherkariak metro batetako luzera eta 100 kiloko pisua zuen, eta, berehala eramane zuten Ertzaintzaren egoitzara. Lehergailua kendu ondoren, kaleak ireki ziren, eta hustutako etxebizitzetako bizilagunei baimena eman zieten etxera itzultzeko. X

Errausteko plantari 600 alegazio aurkeztu dizkiote

■ Ur edangarrirako ubide batean eraikiko dela dio IUK

G.A. / Bilbo

ALONSOTEGIKO (Bizkaia) auzokideek 600 alegazio baino gehiago aurkeztu dituzte Zabalgarbi elkarteak Bilboko Artigasko zabor-teglaren ondoan eraiki nahi duen hiri-hondakin solidoen erraustetarako labe proiektuaren aurka.

Alonsotegi Bizirik plataforma eratu duten auzokideek errausteko plantaren «gas eta dioxina» isurketak argudiatu dituzte azpiegituraren aurka duten jarrera azaltzeko. «Errausteko labea herritarren osasunerako kaltegarria da, eta hiri-hondakinaren

errausketak dioxina eta gas kantitate handiak sortuko ditu. Gainera, proiektuak ez du inolako biderik jasotzen errauts eta sarra kutsakorren arazoa konpontzeko», azaldu zuten plataformako kideek.

Bestalde, errausteko labea ur edangarrirako ubide baten gainean eraikiko dela ohartarazi du Julia Madrazo Bilboko IUKo zinegotziak. «Zabalgarbi plantaren kokapen egokia aztertze horrelako zerbait kontuan hartu ez izanak txostenaren seriotasun falta islatzen du», esan zuen Madrazok. X

LARUNBATEAN, urriaren 25ean, goizeko 10etan karpari:
BETAGARRI + EH SUKARRA + PILT

IGANDEAN, urriaren 26an:

EGITARAUA:
IZOTZETIK AURRERA: EKITALDI NAGUSIA:
EUSKAL DANTZAK • ADARJOLAK •
TXALAPARTA/TEKETE ESPEKTAKULUA
ETA EGUN HONETAKO ABESTIA • PORTU-ATHLETIC
FUTBOL PARTIDUA • HERRI KIROLAK:
PERURENA • AZKOLARIK • ZALDI PROBAK
• PELOTA PARTIDUA BADIOLA I. ETA III.
ANTZOTEGI ETA KORTAREN AURKA
• PORTUGALETEKO UDAL BANDAREN EMANADIA,
SOROZARLEN OHARZ • BERTSOLARIK:
ITURRIAGA, IBARRA, MENDIZABAL
• HERRI BAZKARIA TXISTE KONTALARIETIKIN

16:00ETAN KONTZERTUA:
HIRUR • GANBARA •
KEPA JUNKERA LA RANTXEN

16:ETAN KONTZERTUA:
ALAITZ ETA MAIDER
• SASOI ILUNAK •
BALERDI-BALERDI
• LATZEN KANILLAKO KARPAN

18:00ETARTE:
JAITSIERA SAN ROKEK • TXITXARRILOA
ETA LARRAIN DANTZA ORUBEN • BARBISIN
KANTALDIA KANILLAN • BERBENATXUA,
IZOTZAKIN ORUBEN

ETA EGUN OSOAN ZHAR:
ARTISAN ERAKUSKETA,
TXANGOAK TXINBITON,
HUR PAKETIN SUPERBAT,
KARAOKEA, ETA KALAN GORA,
FANTASIAK, HERRIKO DANTZARIK,
KALE ANTZERKIA, XILUPURDI, TRANSITO,
ETA ZUK ZUK EGONGO DUZUNA!!!

GOGORATU:
• RENFEK, BILBO ETA IBARREZKERREKO
TREN ZERBITZUAK GEHITU EGINGO DITU.
• KANILLAKO KARPAN KONTZERTUETARA
SARTZEKO SARRERA BEHARKO DA.
• Bisitatu aekide batzuek prestatu duten webgune hau:
<http://www.geocities.com/Athens/Forum/4567>

LAGUNTZAILEA
Egunkaria

